

第五十八

列女傳

彭炳基抄

列女傳

母儀

十月八日陳寅恪初稿

全記訖



莆田縣志卷

母儀

宋

盧氏蔡襄母襄為講官時仁宗遇之甚厚嘗曰有子如此其母之賢可知賜冠帔以寵之萬安橋之建出自母志而襄成之年九十封長安縣太君趙光甫陳氏徐鐸母夫貧早世有子銑銳鎰鐸四人并其二女妻之銑纔成童鐸猶懷抱守節不嫁提携鞠育卒能使子有立與中天子策士鐸遂為第一銳亦登科釋褐同歸拜母堂下鄉里咨嗟歎息後十餘年鐸為朝奉郎銳為奉議郎于是鐸封母壽光縣太君銳封母長壽縣太君陳氏衣服雖敝舊不棄子以為言曰營養雖爾祿知所愛吝亦吾福焉元祐二年卒年七十有五及見孫十有三人曾孫一人鐸有學行六年博士足不數公卿之門其言動淳約如布衣時銳在官亦有政績陶山集

林氏鄭耕老母夫亡撫孤四耕老其季也嘗訓諸子曰家事盡以累吾汝等一
意向學無負先君之恩無謂余婦人而欺子後諸子舉於鄉成名者二耕老
與仲兄箕老也道光省志

宋德鄰字瑞甫處士黃績妻通九經及前漢書工楷法嬪績十有六年逮事尊
嫜績讀書不問生計客至雞黍不戒而其子仲元八歲命賦八韻未就咎之

其嚴如此後仲元登咸淳進士第官至福建路招捕使司後村大全集附黃四如集附

林氏樞相陳文龍母宋凶文龍一家為元人械送母繫福州尼寺病甚無醫藥

左右視之泣下母曰吾與兒同死又何恨哉眾歎曰有是母宜有是兒為收
瘞之宋史忠義傳

林氏劉克莊母少孤與伯姊博誦圖史尤熟班馬二書於忠臣孝子貞女烈婦
言行琅琅成誦孝父林柝嘗曰使二女為男子吾兄之後其可量乎既歸於
劉家貧族居共爨諸叔未婚諸姑未嫁乃以齋裝助伏臘婚嫁雖乏絕無戚

容及夫列侍從有祿賜亦無喜色盡束儒書馬閱內典夫卒訣曰向平之緣
未畢以是累君男傳家學女嫁士人遂掃一室終日靜坐得至言妙義於經
考之外佛者囊山洪鼓山明黃山賢皆聞而贊歎然未嘗遺事也族有冠婚
喪祭每致其厚未嘗絕物也人無親疏少長壹接以恩食惟菜茹衣惟練練
器惟陶漆足不出戶者數十寒暑其精專則苦行比丘不及也後村大全集
蔡氏蔡襄之後歸九江王萬樞然嘗之事雖細必親晚歲子婦滿前或謂授之
蔡曰惟是不可以老故懈母計聞時蔡氏在萬樞得書不以告置几間蔡
氏忽心動張目外視而書已墮前人以爲孝感自奉菲薄少探釋典樂於冲
淡衣服稍侈異輒積藏之不御屋少所玩服則一念拳拳曰死必附我所便
也方子遂在孕時乳醫視之曰夫人再產皆女今亦女也吾有術可轉女爲
男蔡氏志曰男女定分豈人力所能爲此言何爲至我哉亟白萬樞斥去且
戒門以絕萬樞元配范氏蔡奉祭惟謹長女及男適逢皆范出長歸趙氏所

携皆蔡氏陰中物逢卒其子文渙猶在襁褓而母去趙夫婦繼歿其子崇獻亦幼而乳保不素具蔡氏皆躬自鞠育以迄于成范氏子不自愛至噴墓不保喟然曰是何可使他人有亟命贖歸而得者靳之至酬直三倍萬樞有畏友曰趙善擇清介蔡氏常以過從之疏數驗夫德之進否每二人相與款密蔡氏喜見顏色曰庶其納夫子於善而警其失也萬樞率來安嘗詣府計事訛言虜至或密請蔡氏去曰我婦人夫不在去將安之飭毋妄言已而果妄淮南漕幕代使者護客徃反六七故事所厯州咸有餽萬樞辭不受使者命以臺餽其家蔡氏曰我安知外事亦辭不受使者賢之官妓有官家女因黨自言蔡氏給贄嫁為士人妻夜課諸子誦讀苟未精熟與同寢取師友必四方文學行義之士逢與遂俱上江東薦書時遂年甫十四蔡氏無喜色既而言者終於風聞亦不憂語二子汝宜自視能否誠能耶久當自明真德秀李道傳振荒江東遂與弟遜頗參其議蔡氏曰民命所繫何可忽諸遂之宰

當塗也值歲大水適蔡氏七秩誕群僚為壽蔡氏曰天變如此海有社有民
母以吾故樂飲遂憂民之憂若疾痛疴癢之切於已知者多歸德於蔡氏云
漫塘文集

鄭氏樞相鄭僑女適金華王介介嘗以中書舍人忤時相徙右文知臨安子楚
字子文官浙漕時嘗被論以鄭年老托言改除鄭曰我已知之昔汝父以忤
時相去國今汝又如此我方以為喜汝復何憂時人稱為賢母

元

劉氏鄭朴妻朴死劉年方二十六子湮四歲女六歲夫弟仲資季弟英二
人俱稚兩世四孫劉獨身支持門戶粗衣大笠冒風雨櫻虎豹出深林以循
溪陂指授田作無虛日孤少長遣就外傳山迴水斷草履以達于城計六十
里非歲序不容一歸授室後量能付業仲資湮補弟子員李英補從事不數
歲連大湮之婦方二十九歲孫聞喜三歲聞詩數月一門伯叔非寡少婦則

孤弱之子女氏礪志以再樹諸孤歲儉有無賴群集將傾其倉庾以去劉溫
言飲食之期旦日授粟夜遣佃夫召進鄉凌晨畢至徐諭之曰遠來良苦粟
視城估損十之二驗直責酬衆袖手去乃約以一螺為驗一螺鳴則諸鄉皆
鳴負鎗弩疾後有罰是歲竟無旱

明

林氏黃廷永妻永少失怙恃覺自立氏內具甘旨外備交際咸周而罔缺廷
永蓋未嘗知有無得以專意於學後官南臺歷藩憲皆以氏從氏念後姑宋
氏年高且子姪累則求納妾以事廷永而自歸養姑姑性峻急氏常曲意奉
之候起居上食飲無違節姑悅臨歿時伏枕三夏中侍藥無厭意常祝言
願汝子婦如吾婦是吾所以報也成化初廷永踰五十未及大用而沒氏痛
之戒諸子遵樞厚治喪禮已而伯子和總家政穆與叔季秩序無廢學戒曰
汝父人豪也齒爵僅若是吾大懼善慶不白於天下汝曹不丕承先志是汝

父真死我未亡人為不母勉之念之諸子受命皆有樹立穆官禁近弟皆勵志篤學並舉科第氏處事務厚家人收佃租必戒以務額毋苛取曰此吾家外藏寄之以待子孫不亦可乎

彭惠安集

許靖姊林大輅母監察御史黃深女孫黃卒靖姊教育於舅家將歸林某林商於番禺值疾歸盡喪其貲凡所經畫皆不如意業且落靖姊持据瘁力麻糸織紡同姑方氏一燈烟如夜分罔怠子大輅携書讀於側歲食穀約三閱月弗給餘布易之大輅幼能記誦稍長學舉子業為鄉長者所許父語人曰非吾家世積善非吾蹇困艱辛不有此子靖姊於大輅意弗憚置之朴之義方尤嚴大輅補弟子員娶婦黃氏亦能儉勤錙銖共積無慮衣食矣正德癸酉大輅登鄉薦甲戌成進士授工部主事上封事下詔獄數月廷杖謫夷陵判官過家母涕而言曰而有幾兄弟耶而荷祖宗之庇得生還也嘉靖改元數歲大輅歷藩臬長貳母語人曰大輅厚祿且久吾未見肥田廣宅也其抑知

字官乎吾聞守官者雖公卿積祿亦有量也吾敢外願耶大輅官至湖南巡撫以地方災歉引咎投劾忤旨賜罷歡養備至靖姊貞約謙抑一布裳二十餘年珠翟錦綺非喜慶事弗服寡言笑非卧疾未嘗一日不束髮歛襟待僚御勞則念匱則惠年八十有一卒

愧瘠集

朱季貞孝子劉閔母夫貴文早卒母年三十六守寡閔方三歲次子闓猶在娠三子闓則出於媵俞氏方二歲朱堅確守志俞氏化之亦無二志女稍長教女儀既嫁教以婦道男稍長遣就外傳始有知即以人倫大義勤儉立家撫諸子均平如一閔以孝稱君子謂有是母宜有是子云

黃氏宋端儀妻端儀提學廣東欲往謁陳文恭公於新會黃氏出囊成二幣上端儀將之曰明婦所自治非外物也及端儀歿于官同官閔其貧有欲黃氏鬻生徒以爲具者黃氏曰如之何其賊人之子乎以羞其夫也宋雖貧可家於喪耶閔書

崔氏尚書康大和母夫長源早卒子大和僅七歲太翁老崔辛苦紡績以奉翁課子為志或訪曰爾家貧一子不遺習他業乃課之讀書不亦悖乎氏曰吾良人歿謂此子聰慧必興吾宗且生平樹德行嘗拾遺金而還之其人感謝以昌後為祝似當有興者後大和貴封太孺人贈淑人

初氏後架初凌嶺人少聰慧父授以孝經列女傳輒通曉無遺適清溪翁姓夫早卒子方在襁褓初氏年二十一矢志不渝坐閨闈間紡織日必洒掃室庭一日妯娌戲之曰豈有賓客至耶初歎曰雖無賓客至自有鬼神知後其子成立初年稍高族中暨隣家女咸以傳事之訓話孝經女訓諸書嚴憚肅然遠近稱初媼云副使翁夢鯉傳其事

清

蔡氏提督吳英妻英初籍晉江當海氛起從戎海上氏流離顛倒必負先世粟主以行逮英貴布衣蔬食不以富貴驕鄰里好施捨熙寧橋甯海橋壞工程

鉅萬皆蔡氏獨力成之康熙三十五年大饑英在蜀氏發貯粟三千石振濟之復捐羅海南米數千石散賑全活甚衆

戴氏舉人戴嘉祉女林佳棟妻事翁姑盡孝翁先歿戊子海上寇作氏扶孤逃

竄山谷間獲免于難甲寅耿變作佳棟以憂憤卒長子麟煬官京師音問隔

絕氏艱貞苦節維家道於流離瓊尾之中人稱有女丈夫風迨麟煬歷仕途

每訓以服官勤慎毋負家聲守志霜居四十年覃恩敕封孺人年六十有六

卒

林氏舉人林尊賓姪女庠生朱庠妻早歲驃病繫腕焚香乞以身代夫歿茹荼

飲水撫子元春教督成立元春成進士官監察御史猶時加訓勉以清儉終

其身覃恩敕封孺人享年七十有二卒

林氏方真朋妻真朋商於浙早歿氏守節事翁姑終年撫孤成立子建長仍奉

母謀生於浙勤勞儉積漸有餘蓋晚年歸見望江通涵江道壞命次子監生

延鑣捐金修築里人德之年七十五卒媳婦黃氏見節孝傳孫媳婦游氏見節烈傳

彭氏中丞彭鵬女性端賴嫺內則婦知縣林楨男上舍必捷奉翁甚孝敬必捷抱才早世氏守貞訓子三十餘年家藏古賢母圖傳朝夕觀覽常以未能追踪古人為憾命二子對揚茲刊刻行世居恆樂善好施梓里德之無七十卒葉氏鄭春光妻鄭文炳母年二十三春光往雲南與氏訣曰不富貴不還氏家貧翁姑老文炳方二歲姑瘋癲七年氏日夜背負扶抱以十指持家計五更課子營葬翁姑及文炳長授室日登堂謁姑氏以夫不在家淒然淚下文炳即日治具往奠尋父父不歸後聞訃文炳徒步萬里負父骸以歸氏四十八年以妻代夫以母代父巡撫張伯賢以坤德貞純扁獎之方氏宮保朱天貴次室生長浙之甯波貴聞其有女德聘娶之年二十九天貴從征臺灣殉難氏嚴肅家規男女不通問育子源淳潛淳以報國承先勉之

源淳官

道氏年七十有二卒潛淳妻劉氏年二十八而寡氏閨中不談

笑步履不列庭恪承姑訓克盡婦道霜居守志四十年如一日年七十卒

程氏天貴孫國雄妻年二十七雄歿於填氏謂其孤曰汝父之柩未歸吾何以

相見於地下乃艱苦蓄積子長急命往滇扶櫬歸里年五十九三世賢節鄰里稱之

黃氏大理郭尚先妻貢生錢齡母尚先卒于京師錢齡方六歲氏喪殮畢扶柩還里艱苦持家錢齡長使從名師遊勗之曰汝父清官汝貧固宜勿輕造勢人門勿貪緣曖昧事且脅肩媚貴審向人說貧賤皆可恥事願汝勿為之尚先卜葬又誠之曰此去旅舍僧寺儘可寄宿勿與小人為緣為得病豪家其識大義類此錢齡初生氏卧病無乳妾黃氏舍彌月女乳乳之井曰縫紉黃必躬親或勸少逸對曰寡婦何可一日閒也錢齡長能讀父書為邑名儒女適晉江許祖芳有孝行道光省志

潘氏劉學豪妻學豪病篤氏割臂和約以進汗澌然出周於身病良已越三年

生子照藜又六年生子尚文照藜

拔貢

科鄉中式舉人行誼謹篤

終其身授徒勿與外事尚文長經商學古文辭氏厲之曰汝家貧兄體弱以家事累汝若不得卒舉子業為一鄉善士亦足以自立不以科名重也照藜與尚文兄弟友愛終其身無閒言

吉兩山房文集

黃氏庠生翁源熙妻源熙夙擅才名年未三十卒氏青年守志舅姑年俱八旬

生事葬祭毫無遺議苦心勁節族戚咸欽訓督二子霽霖霽霖績學有名霽

霖乾隆十五年庚午舉人二十六年辛巳進士官浙江孝豐知縣次霽霖乾

隆三十三年戊子鄉試第一四十三年戊戌進士官四川

知縣同胞科

甲氏年未五十皆親見之時論嘖嘖稱道年

卒

魏氏副舉柯玉珊母年十六嫁為柯開國妾開國及嫡陳氏相繼歿嫡子連魁哀戚過情家務出入皆魏氏獨立支柱有二人索索債至數一百六十餘千

無券有甥某詢之甥曰舅好濟人遇貲乏者輒轉貸以助積而至是或有之
然無片紙隻字即不承似不為過也然曰余固知若舅必有遺債不意其
鉅至是今若舅及嫡皆沒長君又以毀病非未亡人任之而誰任之異日子
若孫幸成立人且指曰是其母嘗負人以不義致富不幸不能成立是負金
者之遺孽宜若是也若舅以行義貸我以不義負是以不義之名與舅也促
與為約期以分年盡償之又二歲長君亦歿其子善撫視之勿以異母
隔閡也林俊攻城敗俘馘二百餘人官命就城下戮之氏捐貲掩埋遺骸邑
紳陳池養極稱道之每有義舉池養必就氏捐募為倡建裕德祠建書院修
古柳橋皆氏積貲為之傳誦人口

吉兩山房文集

王氏歸侯官陳用賓為再繼室學部主政陳衍之母逮事姑姑肝病腹旁脹大
如袖必得人摩之使中作聲痛方止摩之數歲姑脹竟愈家有廢園藜蒿惡
木遍滿氏躬執刈鑿斬刈以供厨爨鋤地汰瓦礫治町畦種蔬果軀貌清癯

而終日勞若不少休終歲盤盤十裕六七馬陳氏自泉州遷省會二百餘年無成名者至氏所生教誨有成乃先後捷場屋長子書副舉人官直隸博野知縣三子衍舉人官學部主事孫敬副舉人廣東候補知縣孫聲暨官交通部主事曾孫幾官國務院主事新省志

林翁氏監生林錫齡妻幼通書史知大義年二十三夫歿姑黃氏年老子揚祖甫六歲田惟六畝家有三口事育衣食皆氏十指出課揚祖讀尚書左傳皆親自講畫率漏下三鼓乃罷揚祖幼不耐讀睡時輒以黑石子擊指節以醒之揚祖林下時尚寶此石以為紀念云月夜三浣不米漿水不露晒家雖貧未嘗取饋於外家足跡不出門閭其苦節有人所難堪者道光乙酉揚祖鄉試第一登進士第官刑部由軍机章京考御史晉給事中氏嘗誦敬姜勞逸論以戒之道光十三年奉旨旌表建坊於錦亭咸豐元年揚祖授河南開歸陳許道迎氏就養適洪楊猖獗入華陰犯汴城氏捐釵典裘悉贖令民登陴